

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- चुनां आयोग नै लोकसभा चुनाएं दे त्रिये गेड़ लेई अज्ज अधिसूचना जारी करी दित्ती ऐ। इस गेड़ तैहत कुल 94 लोकसभा सीटें लेई वोट पोआए जांगन।
- प्रधानमंत्री नरेन्द्र मोदी हुंदे अज्ज उधमपुर दौरे गी दिक्खदे होई प्रशासन नै जिले च डोआरी आली सब्बनें गतिविधिएं पर पूरी चाल्ली रोक लाई दित्ती ऐ।
- किशतवाड़ जिले च सुरक्षा ते चुनावी कर्मिं गी ब्हाई रस्तेया उंदी ड्यूटी आली थाहर पजाने दी प्रक्रिया शुरू होई गई ऐ। कुल 188 सुरक्षाकर्मिं गी वायु सेना दे हैलीकाप्टर राएं मरवाह ते वारबन इलाके तोड़ी पजाया गेआ ऐ।
- सुरक्षाबलें कल पुलवामा जिले च टीआरएफ गुट दे इक आतंकवादी गी मारी मकाया ते बारामुला जिले च आतंकवादिं दे इक लौहके गिरोह दा पर्दाफाश कीता ऐ।

<><><><><><>

EC-3rd Phase

चुनां आयोग नै लोकसभा चुनाएं दे त्रीय गेड़ लेई अज्ज अधिसूचना जारी करी दित्ती ऐ। इस गेड़ तैहत 10 राज्यें ते दो केन्द्र शासत प्रदेशें च कल 94 लोकसभा सीटें पर वोट पोआए जांगन। जम्मू कश्मीर दी राजौरी-अनंतनाग सीट पर बी इस्सै गेड़ तैहत मतदान होग। बीजेपी गी छोड़ियै होरने तकरीबन सब्बने बड्डी सियासी पार्टिं अपने मेदवारें दा ऐलान करी दित्ते दा ऐ। नैशनल कांग्रेस नै साबका मंत्री ते जनजातिय नेता मियां अल्ताफ होरें गी अपना मेदवार बनाए दा ऐ। इआं गै साबका मुख्मन्त्री महबूबा मुफ्ती पीडीपी दियां मेदवार न। साबका मुख्मन्त्री गुलाम नबी आजाद डैमाक्रेटिव प्रोग्रैसिव अजाद पार्टी दे मेदवार च जिसलै के अल्ताफ बुखारी हुंदी अगुवाई आले अपनी पार्टी नै जफर इकबाल मन्हास होरें गी चुनां मैदान च तोआरे दा ऐं नामजगियां दाखल करने दी खीरी तरीक 19 अप्रैल ऐ ते मतदान 7 मई गी होग।

<><><><><><>

PM-Modi

प्रधानमंत्री नरेन्द्र मोदी हुंदी अज्ज उधमपुर यात्रा शा पैहले प्रशासन नै जिले च डोआरी आली कुसा बी गतिविधि उप्पर रोक लाने दी सलाह जारी कीती ऐ। उधमपुर दियां जिला मैजिस्ट्रेट सलोनी राय होर निग्गर सुरक्षा बवस्था जकीनी बनाने लेई सीआरपीसी दी यात्रा 144 तैहत जिले च डोआरी आली कुसा गी गतिविधि उप्पर रोक लाई दित्ती ऐ। प्रधानमंत्री मोदी होर अज्ज उधमपुर च जनसभा गी संबोधत करगंन। एहदे तैहत प्रशासन नै सुरक्षा दे निग्गर बंदोबस्त कीते दे न।

<><><><><><>

Traffic Advisory

प्रधानमंत्री नरेन्द्र मोदी हुंदे उधमपुर दौरे गी दिक्खदे होई रामबन दे राष्ट्रीय जरनैली शिड़क-44 उप्पर ट्रैफिक सरबंधी सलाह जारी कीती ऐ। एहदे मूजब सब्बै व्यवसयिक गडिडयां एनएच-44 उप्पर नियमत तौरा उप्पर गै चलगंन। आम यात्री गडिडयां दा रूट जम्मू ते श्रीनगर बश्कार थमां ओने जाने लेई जिला पुलस नाका मंद शा पराने उधमपुर कस्बे दी शिड़क जखैनी दी तरफा मोड़ी दित्ता जाग। लोकें गी सलाह दित्ती गई दी ऐ जे ओह यातायात नियमें दी पालमा करन ते ट्रैफिक पुलस दा सैह्योग करन। तोआई लोकें गी अनुरोध कीता गेआ ऐ जे ओह पराने उधमपुरन रूट उप्पर गडिडएं दा जाम नेई होन दे न। आम लोकें गी बी एनएच-44 दी थाहर पराने रूट राएं यात्रा करने दी सलाह दित्ती गई दी ऐ।

<><><><><><>

Kishtwar Polling

लोकसभा चुनावें दे पैहले गेड़ दे मतदान लेई तैआरिएं दे इक हिस्से दे तौर उप्पर जिला चुनां दफतर किशतवाड़ ते भारती वायु सेना दे सांझे जतनें कन्नै जिले दे भद्रवाह ते वाखन इलाके च सुरक्षाबलें दी तैनाती कीती गई। भारती वायु सेना दे 3 हैलाकाप्टरेंकुल 188 सुरक्षाकर्मिएं गी जिले दे भद्रवाह ते वाखन इलाके तोड़ी पजाया। इंदे च केन्द्री सशक्त पुलस बले दे 144 कर्मी ते जम्मू कश्मीर पुलस दे 44 अधिकारी शामिल न। मड़वाई ते वाखन बड़े दुर्गम ते बर्फबारी करी प्रभावत इलाकें च ते इंदे तोड़ी सुरक्षाकर्मिएं ते चुनावी साज-समेयान गी पजाना इक बड्डी चुनौती दा पर भारती वायु सेना दे जतनें राएं इस चुनौती शा पार पाई लैता गेआ ऐ। एह सारी कारवाई औंदे लोकसभा चुनावें गी दिक्खदे होई कीती गई ऐ।

मड़वाह ते वाखन इलाके तोड़ी पुज्जने लेई सिंथन टॉप ते मरगम टॉप दे राएं अग्गे बधना हुंदा ऐ ते एह इलाके 12 ज्हार 500 फुट्ट दी उंचाई पर स्थित होने ते बर्फबारी करी प्रभावत होने दे चलदे बड़ी मुश्कल चुनौती पेश करदे न। किश्तवाड़ जिला उधमपुरी संसदी हल्के दे हेठ औंदा ऐ ते इत्थें पैहले गेड़ तैह्त 19 अप्रैल गी चुनां होना ऐ।

<><><><><><>

Elder Voter Samba

सांबा जिले दे राया ग्रांS दे रौहे आहले 100 बरे दे बरेसू आहले रत्न चंद शर्मा ते 95 बरे दी बरेसू आहली उंदी घरा आहली सोमा देवी होर इस गल्ला गी लेइयै बड़े खुश न जे इस बारी ओह लोकसभा चुनाएं च अपने घरा सवां वोट पाडन। रत्न चंद शर्मा जेड़े फौज सवां रिटायर होए देन, आखेआ जे पैहले बुजुर्ग लोकें गी वोट पाने दे बेल्लै बड़ी मुश्कल दा सामना करना पौंदा हा, उयां इस लोकसभा चुनाएं च बुजुर्ग लोक अपने घरें सवां वोट पाडन.....

<><><><><><>

Migrants Voting

समाज दे सब्बने वर्गे लेई चुनावी शमूलियत गी होर मता समावेशी ते परेशानी मुक्त बनाने लेई भारतीय चुनां आयोग दे चला'रदे जतनें दे इक हिस्से दे रूपै च ईसीआई ने विशेष मतदान केन्द्रें उप्पर कश्मीरी विस्थापितें आस्सेआ मतदान दी मजूदा योजना च किश बदलावें दा आदेश जारी कीता ऐ। आकाशवाणी जम्मू संवाददाता दी रिपोर्ट मूजब नमीं बवस्था मूजब कश्मीरी विस्थापितमतदाता जेह्ड़े जम्मू ते उधमपुर दे बक्ख-बक्ख शिविरें क्षेत्रें च रौंहदे न, उनेंगी हुन फार्म-एम भरने दी जरूरत नेई होग, एहदे बजाए उनेंगी हुन क्षेत्र च पौने आले विशेष मतदान केन्द्रें कन्नै जोड़ेआ जाग। एहदे अलावा आयोग नै दिल्ली ते देश दे बाकी हिस्सें च रौहने आले कश्मीरी विस्थापितें लेई बी फार्म-एम दाखल कराने दी प्रक्रिया गी सखल्ला बनाई दित्ता गेआ ऐ। उआं पोस्टल बैलेट सुविधा च कोई बदलाव नेई होआ ते पैहले आला लेखा गै जारी रौहग। डाक-मतपत्र मंगने लेई उनेंगी फार्म-12 कोई बी प्रवासी भरी सकदा ऐ, भाएं ओह जम्मू, उधमपुर, दिलली, मुंबई जां फही कुसा होर थाहर कीह नेई रौंहदा हौवे।

<><><><><><>

Encounter

सुरक्षाबलें पुलवामा जिले च इक टाकरे दरान टीआरएफ गुट दे दक आतंकवादी गी मारी मकाया, जिसलै के बारामुला जिले च लश्करे तैयबा दे इक लौहके गिरोह दा पर्दाफाश बी कीता ऐ। सुरक्षाबलें पुलवामा च राजपोरा इलाके दे फरेसीपोरा ग्रां च आतंकवादिएं दी मजूदगी बारे सूह थोने परैंत घेराबंदी ते तपायी अभियान चलाया। इस दरान उत्थें छापे दे आतंकवादिएं सुरक्षाबलें पर गोलीबारी शुरू करी दित्ती जेहूदे परैंत टाकरा भखी पेआ। टाकरे दरान सुरक्षाबलं इक आतंकवादी गी मारी मकाया जेहूदी पंछान श्रीनगर दे बसनीक दानिश शेख दे तौर पर कीती गई ऐ। टाकरे आली थाहरै थमां थेआर-असलाह ते गोला-बरूद बरामद कीता गेआ ऐ। तोआई सुरक्षाबलें बारामुला जिले च लश्करे तैयबा लेई कम्म करने आले 5 अरोपिएं गी गिरफ्तार करियै इक लौहके आतंकी गिरोह दा पर्दाफाश कीता ऐ। एह त्रौनें अरोपी सुरक्षाबलें दिएं गतिविधिएं दी जानकारी आतंकवादिएं गी दिंदे ऐ ते उंदी मंशा औंदे लोकसभा चुनाएं च खलल पाने दी ही।

<><><><><><>

Rajouri

राजौरी जिले दे नौशहरा सेक्टर दे नियंत्रण रेखा दे अगेत्रे ग्रां च ग्राम रक्षा समिति दक इक सदस्य नै बन्ने पार थमां नशीले पद्धार्थे दी तस्करी दी कोशश गी नाकाम बनाई दित्ता जेहूदे नतीजन 8 किलोग्राम शा मता संदिग्ध नशीले पद्धार्थे गी जब्त कीता गेआ। पुलस नै जानकारी दित्ती जे कल वीडिसी दे मिंबर नै माक्री ग्रां च चकं जनें गी इक बैग लेइयै ग्रां च संदिग्ध परिस्थिति च घूमदे दिक्खेआ ते सब्बने गी सौहगा करी दित्ता। संदिग्धे दी पंछान माक्री ग्रां दे बसनीक नवीन कुमार, सुखविंदर, दविंदर उर्फ मुन्ना ते शुभम दे नां कन्नै कीती गई ऐ। पुलस ते सेना दी टीम नै मौके उप्पर पुज्जियै बैग जब्त कीता ते 8 किलोग्राम शा मते नशीले पद्धार्थे गी जब्त करी लैता।

<><><><><><>

PM-Heat Wave

प्रधानमंत्री नरेन्द्र मोदी होरें औंदी बड़ी मती गर्मी दे मौसम दी तैआरिं दी समीक्षा लेई इक बैठक दी प्रधानता कीती ऐ। इस मौके उनेंगी अप्रैल थमां जून दी अवधि दरान तापमान सरबंधी लोड्चदी जानकारी दित्ती गई। उनेंगी गर्मिं दरान देसै दे मते सारे हिस्से, खास करियै मध्य भारत ते पच्छमी भारत च सामान्य थमां मते तापमान दी शँका बारे बी जानकारी उपलब्ध करोआई गई।

सेहत खेत्तर च जरूरी दवाइएँ, आईस पैक, ओआरएस घोल ते पीने दे पानी सरबंधी तैआरिएं दी बी समीक्षा कीती गई। श्री मोदी होरें अस्पतालें च लोड़चदी तैआरी दे कन्नो कन्नी जागरूकता बधाने ते जंगलें च अग्ग लगने दी घटनाएं दा तुरत पता लाने ते अग्गी पर काबू पाने दी जरूरतै पर जोर पाया।

<><><><><><>

Weather

मौसम विभाग नै उत्तर-पच्छिम भारत ते पहाड़ें उप्पर इस हफते हल्की ते दरमेयाने दर्जे दी बरखा पौने दी पेशगोइ कीती ऐ। जम्मू कश्मीर, हिमाचल प्रदेश, उत्तराखंड, पंजाब, हरियाणा, राजस्थान ते उत्तर प्रदेश च 13 अप्रैल शा 15 अप्रैल तगर हल्की थमां दरमेयानी दर्जे दी बरखा ते अंधी झक्खड़ दी पेशगोई कीती गई ऐ।

<><><><><><>